

1. ხელშეკრულების მხარეები

ერთი მხრივ, ა(ა)იპ მუზეუმების გაერთიანება (შემდგომში "შემსყიდველი"), წარმოდგენილი მისი გენერალური დირექტორის - ნინო სანადირაძის სახით და მეორე მხრივ, ა(ა)იპ „საქართველოს დამსაქმებელთა ასოციაცია“ (შემდგომში „მიწოდებელი“), წარმოდგენილი მისი აღმასრულებელი დირექტორის - ლაშა ლაბაძის სახით, ვხელმძღვანელობთ რა „სახელმწიფო შესყიდვის შესახებ“ საქართველოს კანონის მე-3 მუხლის პირველი პუნქტის „ს“ საფუძველზე, გამარტივებული შესყიდვის საშუალებით ვდებთ წინამდებარე ხელშეკრულებას შემდეგზე:

2. ხელშეკრულების საგანი (შესყიდვის ობიექტი)

წინამდებარე ხელშეკრულების საგანს (შესყიდვის ობიექტს) წარმოადგენს შემსყიდველის 1 (ერთი) თანამშრომლისათვის ა(ა)იპ მუზეუმების გაერთიანების იურისტი (ანა ვარდიაშვილი) პრაქტიკული სატრენინგო კურსის "ეროვნული კანონმდებლობა, შრომის სამართლის საერთაშორისო სტანდარტები და სასამართლო პრაქტიკა", ჩატარების მომსახურების გაწევის (შემდგომში – მომსახურება), (CPV80510000 - მომსახურებები სპეციალისტების მოზადების სფეროში).

3. ხელშეკრულების ღირებულება

3.1. ხელშეკრულების ღირებულება შეადგენს: **531.00 (ხუთას ოცდათერთმეტი) ლარს.**
3.2. ხელშეკრულების ღირებულება მოიცავს, როგორც შესყიდვის ობიექტის ღირებულებას, ასევე, წინამდებარე ხელშეკრულების შესრულებასთან დაკავშირებულ, მიწოდებლის მიერ გაწეულ, ყველა ხარჯს საქართველოს კანონმდებლობით გათვალისწინებულ ყველა სახის გადასახადს, აგრეთვე, საფასურისა და მოსაკრებლის ღირებულებას, ასეთი ვალდებულების არსებობის შემთხვევაში.

4. შესყიდვის ობიექტის მიწოდების პირობები, ხელშეკრულების მოქმედების ვადა

4.1 მომსახურების გაწევის უზრუნველყოფს მიწოდებელი **2022 წლის 11- 30 აპრილის** პერიოდში.
4.2 ხელშეკრულებით გათვალისწინებული შესყიდვის ობიექტის მიწოდებას „მიწოდებელი“ განახორციელებს ხელშეკრულებით განსაზღვრული პირობების გათვალისწინებით.
4.3 ხელშეკრულებით გათვალისწინებული შესყიდვის ობიექტის მიწოდება განხორციელდება შემდეგ მისამართზე: ქ. თბილისი, ა. ბელიაშვილის №106, მიონის ბიზნეს ცენტრი, სართული 3 (საქართველოს დამსაქმებელთა ასოციაციის საკონფერენციო დარბაზი).
4.4 ხელშეკრულება ძალშია მისი ხელმოწერის მომენტიდან და მოქმედია **2022 წლის 31 მაისის ჩათვლით.**

5. ხელშეკრულების შესრულების კონტროლი (ინსპექტირება)

5.1. მიწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებს ა(ა)იპ მუზეუმების გაერთიანების იურისტი - ანა ვარდიაშვილი.
5.2. შემსყიდველს უფლება აქვს მომსახურების არასათანადო ხარისხით შესრულების შემთხვევაში მოახდინოს მიწოდებლის გაფრთხილება და მოითხოვოს ნაკლის აღმოფხვრა. მიწოდებელი ვალდებულია დაუყოვნებლივ გამოასწოროს ნაკლი. აღნიშნული გარემოების ორჯერ აღმოჩენის შემთხვევაში შემსყიდველს უფლება აქვს ცალმხრივად შეწყვიტოს ხელშეკრულება.
5.3. მიწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

6. შესყიდვის ობიექტის მიღება-ჩაბარების წესი

6.1 შესყიდვის ობიექტის მიღება-ჩაბარება განხორციელდება მიწოდებლის მიერ ფაქტობრივად მიწოდებული შესყიდვის ობიექტის საფუძველზე და შესაბამისად, შემსყიდველისა და მიწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით. შემსყიდველის მხრიდან მიღება-ჩაბარების აქტის გაფორმებაზე პასუხისმგებელ პირს წარმოადგენს ა(ა)იპ მუზეუმების გაერთიანების იურისტი - ანა ვარდიაშვილი.
6.2 კანონმდებლობით გათვალისწინებულ შემთხვევაში, მიწოდებელმა უნდა წარმოუდგინოს შემსყიდველს შესაბამისი დოკუმენტაცია.

7. ანგარიშსწორება

7.1. ანგარიშსწორება მოხდება უნაღდო ანგარიშსწორებით ლარში.
7.2. ანგარიშსწორება განხორციელდება მიწოდებლის მიერ ფაქტობრივად მიწოდებული შესყიდვის ობიექტის საფუძველზე გაფორმებული მიღება-ჩაბარების აქტის ხელმოწერიდან 10 (ათი) სამუშაო დღის განმავლობაში;
7.3. წინასწარი ანგარიშსწორება (ავანსი) არ გამოიყენება.

8. ხელშეკრულების პირობების შეუსრულებლობა (საჯარიმო სანქციები, ფორმა, ოდენობა, და გადახდის ვადები)

8.1. ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობის ან/და დაგვიანებით შესრულების შემთხვევაში გამოიყენება საჯარიმო სანქციები;
8.2. ხელშეკრულებით ნაკისრი ვალდებულებების შეუსრულებლობის ან ვადის გადაცილების შემთხვევაში მხარეებს დაეკისრება ჯარიმა შეუსრულებელი ვალდებულებების ღირებულების 0,02%-ის ოდენობით ყოველ ვადაგადაცილებულ დღეზე;
8.3. საჯარიმო სანქციით დაკისრებული თანხა გადახდილ უნდა იქნას მხარისთვის აღნიშნულის თაობაზე გადაწყვეტილების (წერილი ჯარიმის დაკისრების თაობაზე) გაცნობიდან არაუგვიანეს 1 (ერთი) თვის ვადაში;
8.4. საჯარიმო სანქციების გადახდა არ ათავისუფლებს ხელშეკრულების მხარეს ძირითადი ვალდებულებების შესრულებისაგან.

9. ხელშეკრულების შეწყვეტა

9.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის ან არაჯეროვნად შესრულების შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების ცალმხრივად შეწყვეტის შესახებ;
9.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი;

9.3 ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულებების შეუსრულებლობით;

9.4 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან;

9.5 შემსყიდველს უფლება აქვს მიიღოს გადაწყვეტილება ხელშეკრულების ცალმხრივად შეწყვეტის შესახებ, მათ შორის შემდეგ შემთხვევებში:

ა) მიმწოდებლის მიერ ხელშეკრულებით ნაკისრი ვალდებულებების დარღვევის შემთხვევაში;

ბ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

გ) საქართველოს კანონმდებლობით გათვალისწინებულ სხვა შემთხვევებში;

9.6 ამ მუხლის მე-5 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად მიწოდებული ობიექტის ღირებულება.

9.7. წინამდებარე ხელშეკრულება შესაძლებელია შეწყდეს მხარეთა შორის გაფორმებული ორმხრივი შეთანხმების საფუძველზე.

10. ფორს-მაჟორი

10.1 ფორს-მაჟორი - სტიქიური მოვლენები, გაფიცვები, საბოტაჟი ან სხვა საწარმოო არეულობა, სამოქალაქო მღელვარება, ომი, ბლოკადა, აჯანყება, მიწისძვრა, მეწყერების ჩამოწოლა, ეპიდემია, წყალდიდობა და სხვა მსგავსი მოვლენები, რომელიც არ ექვემდებარება მხარეთა კონტროლს და რომელთა თავიდან აცილებაც მათ მიერ შეუძლებელია. ფორს-მაჟორად არ ითვლება მიმწოდებლის ფინანსური მდგომარეობის გაუარესება, თუ ეს ჩამოთვლილ მოვლენებთან არ არის დაკავშირებული. ამ დროს მხარეებს შორის ხელშეკრულების შესაბამისად გადასახდელ თანხაზე ფორს-მაჟორის შემთხვევაში გათვალისწინებული შეღავათები არ ვრცელდება;

10.2 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას;

10.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახსოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან;

10.4 იმ შემთხვევაში თუ ფორს-მაჟორული გარემოებების დადგომის გამო, იცვლება ხელშეკრულებით გათვალისწინებული რომელიმე პირობა, აღნიშნული ცვლილება უნდა გაფორმდეს მხარეთა წერილობითი შეთანხმების სახით.

11. სხვა პირობები

11.1 ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით;

11.2 ხელშეკრულება შედგენილია ქართულ ენაზე. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე;

11.3. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილი მხარეთა მიერ.

12. მხარეთა რეკვიზიტები:

„შემსყიდველი“

ა(ა)იპ მუზეუმების გაერთიანება

საიდენტიფიკაციო ნომერი: 402036998

მისამართი: ქ. თბილისი, დ. აღმაშენებლის გამზ. №103

„მიმწოდებელი“

ა(ა)იპ „საქართველოს დამსაქმებელთა ასოციაცია“

საიდენტიფიკაციო ნომერი: 204420545

იურ. მის.: ქ. თბილისი, ი. ნიკოლაძის №5ა;

ფაქტ. მის.: ქ. თბილისი, ნ. ზოხუას №4

office@employer.ge

ბანკი: სს „თიბისი ბანკი“

ბანკის კოდი: TBCBGE22

ანგარიშის ნომერი: GE90TB7870936020100005

6. სანადირაძე

ნინო სანადირაძე

გენერალური დირექტორი

ლამა ლაბაძე

აღმასრულებელი დირექტორი